

с(кар) Караз 1676-8

42 ДЖАУБАЛАНЫ ХУСЕЙ




чагъадыла балыйле

Д 40

Джаубаев Х. М. Цветут вишни. Ставропольское книжное издательство (Карачаево-Черкесское отделение). 1975.

48 с.

Стихи для детей среднего и старшего школьного возраста о любви к Родине, о героике, о красоте традиций советского народа.



© Ставрополь китаб басманы
Къарачай-Черкес бёлюмю, 1975.

МАЯКОВСКИЙ БЛА СЁЛЕШИУ

(Поэма)

СССР-ни 50-д жыллыгына атайма

Джетди,
 Маяковский,
 огъурлу кёзюу,
Бек кёбдю
 ма бюгюн
 айтыргъа сёзюм,
Джюрекге
 сыйынмай,
 къайнайды къууанч—
Уллуду
 бюгюннгю
 Байрамда къулач!

Хорламлы
кюрешде
элли джыл ётдю—
Кёб ёмюр
эталмай
тургъанны этди:
Ол кюреш
батмазлыкъ
кюн болуб тийди,
Тюзлюкню
джарыгъын
кёб джуртха ийди.
Муратын
толтуруб
социализмни,
Совет халкъ
ишлейди
коммунизмни.
Кюнлю Джурт—
Ленинни
азатлы къралы—
Болгъанды
дунияны
насыб тамалы.
Джер джюзю
алады
ма бизден юлгю:

Джарыкъды,
чууакъды
Джуртуму кёгю.
Душманла
бюгюн да
бардыла, тюзю,
Алай а
башхады
бусагъат кёзюу,
Тили да,
кючю да
башхады аны:
Тышында
терс къауум
ачса къаугъаны,
Сауутун
улутса
къоймай къызгъан баш,—
Маузер
орнуна
ракета джолдаш
Берликди джууабын,
къабына джыя,
Алайсыз
тынмаса
ууланиган уя.
Социалист
лагерде
уллуду къарыу,

Ма олду
зорлукъну
тыйыучу буруу.

Ашхыды,
сейирди
тюрлениу бизде,

Биз илму
къоллубуз
хар ишибизде.

Дирижабль
буруннга
кёчгенди бизден,

Джашаугъа
къарайбыз
биз космос кёзден.

Атомну,
лазерни
ачханды халкъынг,

Тёлюге
кёчеди
ёхтемлик шарты.

Алайды,
Маяковский,
элли джыл ётдю—

Биз санга
сёлешир
заман да джетди.

Сеземе,
къарнашым:
айтсам хорламны,
Айтма да,
бир кёргюз,
дериксе, аны,
Бир кёргюз,
дериксе,
Джуртну сыфатын...
Сора, сен
Пушкиниге
айтханлай алгъын,
Эсгертме
ташынгдан
бир тюшчю бери,
Джуртунга
бир къууан,
бюгюнюн кёрюб.
Майнама,
къайнайды
Ильични иши—
Уллуду,
кючлюдю
аны джюрюшю!
Къолунга
къалам ал,
узал къагъытха,

Биргелей
къарайыкъ
джашнагъан Джуртха.
Къараргъа
талпыйса
сен бек эртдеден—
Къалайдан
башлайыкъ,
къайсы чегинден?
Узакъды,
джууукъду
деб къарама сен,
Ол „къоркъуу“
узакъгъа
кетгенди бизден:
Джуртуму
джер-джери
бирча джууукъду—
Реактив
самолет
терк учурлукъду!
Кюнлени,
айланы
излемейди джол,
Минутха,
сагъатха
бойсунады ол.
Запад да,

восток да
джашнайды къралда...
Къалайдан
башлайыкъ
бир айтчы, къайда!
А-а, кърнаш,
Кремльге
къарайса, сездим,
Ленинден
башларгъа
сюесе, билдим.
Алайды,
Маяковский,
ма энгда адет:
Ленинге
барады
хар совет миллет.
Анданды
джашауда
хар атламыбыз—
Ленинден
башланады
Совет къралыбыз!
Ма, Кремль—
къралны
эм сыйлы джери—
Бютеулей
планета
келеди бери.

Ленинге
 келеди
 халкъ кенгеширге,
Къууанчын,
 сагъышын
 тенг юлеширге.
Келеди
 дунияны
 адам улусу:
Ленинди
 насыбны
 Кюню, Джулдузу!
Эсдеди,
 Маяковский,
 алгъын джазгъанынг,
Джашауда
 толады
 сёзюнг, айтханынг.
Аны ючюн
 биз сени,—айтайыкъ ачыкъ—
Сюебиз,
 сюебиз
 минг къатха артыкъ.
Тюз иннет
 синггенди
 хар бирибизге:
Ленин бла
 Партия
 бирдиле бизге.

Совет джурт—
бу байрам—
Ильичникиди,
Ильич а
ёмюрге
ма бизникиди!
ЦК-да
кёребиз
Ленинни кесин,
Кёребиз
хурметли
ишин, юлгюсюн.
Ленинни
илмусу,
джайылыб кенгнге,
Сингигенди,
джетгенди
хар джуртха, элге.
Хар къралда
тюбейле
коммунистле энди,
Алагъа
кюч берген
бизни Ленинди.
Эсдеди,
Маяковский,
сени джазгъанынг—

Бир негрни
Нил суугъз
тиллек айтханы.

„Нил сууум,
бушууну
бир къорат, быргъаб,

Насыбны
ачарыкъ
адамны бир таб“,—

Дей эди
ол негр,
джайыб къолланы...

Энди уа,
къарачы,
туудугъу аны

Ленинни
окъуйду
талпыб, къадалыб—

Азатлыкъ
излейди
халкъы, къозгъалыб.

Къарачы,
негрле
Ильич бла кенгеше,

Африка
хорлайды
улуу кюрешде.

Алайлай
къаллыкъса
сен кѣб тѣлюге.

Бек ачыкъ
кѣргюздюнг
кюреш джылланы,

Танытдынг
тюзлюкчю,
деу адамланы.

Джаш эдинг,
алай а,
кѣб ишни сюзе,

Билгишча
бир эдинг,
боллукъну сезе.

Къарачы
бююннгю
болумубузгъа!

Джуртубуз,
биригиб
улла Союзгъа,

Атлайды—
къатлайды
иште хорламны,

Насыбха
тюбете
хар бир адамны.

Онбеш
республика
къарнаш шохлукъда

Джашайла
зауукъда
эмда токълукъда.

Джетген кюн
хар бири,
этиб джигитлик,

Танытыб
турады
Джуртха кертилик.

Къазауат
баргъан
ол къыйын джыллада

Бу адет
сыналды
совет халкълада:

Оруслу
ёшюнюн
тиреди дзотха,

Ёхтемлик
кёргюздю,
турмайын артха.

Къазауат
ажан берди
Москва ючюн,

Эрмен да
кюрешди,
аямай кючюн.

Грузин
сакълады
Киев шахарны,
Сталинград
бетджанда
ёлдю аджарлы.

Къарачай
улан а,
Белоруссияны
Душмандан
къоруулай,
берди джаш джанын.

Татар да,
украин да—
барысы алай
Джол салды
хорламгъа,
Джуртун къоруулай.

Ише да
ол бирлик
болушуб бизге,
Нюр, хурмет
салабыз
таулагъа, тюзге.

Бешджыллыкъ
 планла
 джашауда толуб,
Махтау-сый
 алабыз,
 алчыла болуб.
Ленинград
 шахардан
 темир станокла
Баралла
 Къазанига,
 узакъ Востокга.
Востокну
 чабагъын
 алады Ташкент,
Сибирге
 мюрзеуюн
 неди Чимкент.
Бакуну
 нефти уа,
 майна, джер-джерде
Моторла
 бурады
 сабан тюзледе...
Былайды
 Союзда
 къарнашлыкъ адет;

Биргелей
джашнайды
хар совет миллет.

Билесе,
Маяковский—
ётгюр оратор,

Заводдан
чыкъгъанлай
биринчи трактор,

Бютеу халкъ
къаллай бир
къууанган эди!

Энди уа
аланы
минги да неди—

Къурч атла
кёбдюле
сансыз-санаусуз,

Тынмайды
бир иш да
энди аласыз.

Радио
сёлешди
деб да, ма алай

Къууанч
этген эди
Эресей саулай.

Энди уа
 юйледе—
 телевизорла:
Киногъа
 къарайбыз,
 джырлайла хорла.
Самолет
 десек да,
 башхады болум—
Барады
 хауада,
 тауушну озуб.
Космосда
 кемеле
 тизилиб уча,
Ишлейбиз,
 илмуда
 джангылыкъ ача.
Биринчи
 ГЭС-ни уа
 тюшюрчю эсге!
Энди уа
 джер-джерде—
 мазаллы ГЭС-ле.
Хар юйде
 Ильични
 чырагъы джана,

Солуйбуз,
окъуйбуз,
тамам къууана.

Школла,
вузла да—
сансыз-тергеусюз,

Киши да
къалмайды
бизде билимсиз.

„Боллукъду
эки минг
онбешинчиде“,—

Деб джазгъан
эдинг да
назму тизгинле,

Ол затла
бюгюн да
бардыла бизде:

Электро-
техника—
хар юйюбюзде!

Джерде да,
кёкде да
кенгди джолубуз,

Айгъа да
джетеди
энди къолубуз.

Америка
турлукъду
къаршчы дегененг.
Джазгъаненг,
Владимир,
быллай тизгин да:
„Дунияда
боллукъду
къызыл Берлин да!“
Алайды.
АБШ
шох тюлдю бизге,
Иннети
къаршчыды
коммунизмге.
Зорлукъну
джаяргъа
этсе уа умут,
Биледи,
джол бермез
биздеги сауут.
Сен тюзсе:
джашайды
къызыл Берлин да,
Социалист
иннетде
къурай несин да.

Ол, фашист
джорукъну
къурутуб, ташлаб,

Тюз джолда
ёседи,
барады джашнаб...

Класс кюреш
къалайды,
айтчы десенг а—

Бюгюн
кюрешеди
эки система.

Аланы
бири биз—
социалист лагерь;

Бире уа
душманла—
капиталист лагерь.

Барады
арада
кюреш, эришиу—

Барады
ангыда,
иште сермешу.

Хорламы
уллуду
социализмни,

Аягъы
таяды
капитализмни.

Капиталист
дуния—
ёллюк джаныуар—

Ёмюрюн
созаргъа
излейди мадар,

Алай а
джашауну
буйругъу толур:

Кюрешде
онглулукъ
тюзлюкде болур,

Дунияда
бир иннет
орналыр, бегир—

Хар инсан
Ленинни
джолуна келир.

Ленинди
халкъланы
улуу ёкюлю,

Ленинчи
иннетди
насыбны Кюню!

Былайды,
Маяковский,
бюгюнню болум,
Толады
джашауда
сен этген оюм.
Кёреме,
разыса
ёхтем халкъынга,
Разыса
ишине,
хар бир затына.
Сен суйген
джашаугъа —
коммунизмге —
Барады
совет халкъ,
сен — биргебизге.
Хар сёзюнг,
атламынг
бола чакъыруу,
Ма энтда,
алгъынча,
бересе талпыу.
Назмула
джазаргъа
джашнагъан Джуртха,
Къайда,

Маяковский,
узал къагъытха,
Къууанчын
эте
совет миллетлени,
Алгъынча
зангырдат
ёхтем сёзлени!
„Ий, неге
керекди
бу лозунг, кертда...“
Деб туруучу
лирик
тюбесе энтда,
Аллайгъа
ма энтда
былайды джууаб:
„Замандан
къалмачы
артха, дженгил чаб!
Бу джашау
кюрешди—
аны барынг эшт!—
Лозунгсуз,
чакъырыусуз
болмайды кюреш“.
Къаджыкъмай
кюреше,

уруна бирге,
Биригиб
атлайбыз
коммунизмге!
Бир иннет
синггенди
хар бирибизге:
Ленин бла
Партия
бирдиле бизге.
Совет джурт—
бу байрам—
Ильичникиди,
Ильич а
ёмюрге
ма бизникиди!
Биз аны
аты бла
башлайбыз ишни,
Хорламлы
бошайбыз
хар бир кюрешни,
Анданды
джашауда
хар атламыбыз—
Ленинден
башланады
Совет къралыбыз!

ДЖАШАУНУ ЫЗЫ

Эртде-эртде биреулен
Биреуленнге келгенди:
— Ыз кьояргъа джашауда
Не керекди?—дегенди.

Ол да анга айтханды:
— Болсуи джашынг, не кьызынг,
Ол заманда кьаллыкьды
Джашауунгда кёб ызынг.

— Айхай, тамам суйсем да,
Джокьду мени уланым,
Кьалмазгъамы тебреди
Джашауумда сокьмагьым?

— Суймей эсенг джашаудан
Чыртда ызсыз кьораргъа,
Сора ашыкь халкьынга
Бир ашхылыкь кьояргъа.

— Ашхылыкьгъа кьарыуум
Джетмесе уа, не дерсе?
— Адамлагъа аманлыкь
Этмей джаша алесе.

АКЪ БОЯУ

Не эсе да, акъ бояу
Багъалыды джюрекге,
Ушатама мен аны
Тауусулмаз келбетге:

Къуралгъанды ол бояу
Минги Тауну къарындан,
Чыммакъ къайнаб барыучу
Шоркъаланы джырындан.

Къуралгъанды ол бояу
Кёкде чилле булутдан,
Хар таулуну юйюнде
Уюб тургъан джуууртдан.

Бек тазады акъ бояу,
Аналаны сютюча,
Саулай дуния кюсеген
Мамырлыкъны кюнюча.

Хар инсанда, джюрекде
Ол тазалыкъ джашасын,
Тауусулмаз къорлукъча,
Ёмюрлюкге сакълаисын!

КЮЧЛЮ КЪОЛЛА, ДЖЫЛЫ КЪОЛЛА

Къарайма мен, къарайма джоллагъа,
Сагъыш эте, къарайма алагъа,
Ушатама джолланы, тенглерим,
Аталада кючлю, берч къоллагъа:
Кёлтюргенча джюклени узун джолла,
Кёлтюрдюле Джуртуму ата къолла,
Кёб кыйынлыкъ чекдиле джашауда,
Бизге насыб келтире, ма ала.
Къарайма мен, къарайма суулагъа,
Сагъыш эте, къарайма алагъа,
Ушатама сууланы, тенглерим,
Аналада чемер, акъ къоллагъа:
Джерни дамын бергенча чомарт суула,
Джуртха келбет бердиле ана къолла,
Кёб джарсыуну кёрдюле джашауда,
Бизге джылыу келтире, ма ала.

ДЖОЛНУ ЧЫРАГЪЫ

Ауругъаннга болушургъа
Биреу мадар изледи,
Дарман хансла табалсам деб,
Бир къязгъа тебреди.

Ол кыая уа мийик эди,
Хар элиси — кыыл кёпюр...
Муратына джегалмады
Ашхы иннетли ол ётгюр.

Аны юсюнден бизге биреу
Айтды быллай сёзлени:
„Кёрдюгюзмю насыбсызны
Биреу ючюн ёлгенин“.

Кыалай болур ол насыбсыз,
Джарайма деб биреуге,
Елген эсе кюрешпуде —
Кыаялагы ёрлеуде!?

Бюгюн тугел джетмесе да
Муратына бир улан,
Джолсуз джерге джолун сала,
Излегенди ол дарман.

Тамбла уа джангы джол бла
Тенги ёрлер тынчыракъ —
Бу адетди бизни ёрге
Атлатычу шам чыракъ.

ДЖОЛЛА

Уруш баргъан ачы кюнле.
Джашил тюзде—темир джол.
Хаман алгъа сюзюлгенча
Кёрюнеди кенгден ол.

Аны юзюб, совет джуртну
Этейим деб байламсыз,
Къанлы душман кече-кюн да
Кюрешеди аяусуз.

Ёзге душман, чачаргъа деб,
Бютеу кючюн салса да,
Бир-бир джерде темир джолну
Юзюлгени болса да,

Терк джамалыб, ишлейди ол,
Джаны-къаны болгъанча—
Ёхтем халкъым джан тамырын
Анга къошуб баргъанча...

Озгъандыла къазауатны
Къыйын, ачы джыллары.
Бююнлюкде Ата джуртну
Бек кёбдюле джоллары.

Къарасам а мен алагъа,
Уруш тюше эсеме,
Хар бир джол да джан тамырча
Кёрюнеди кёзюме.

ЧАГЪАДЫЛА БАЛИЙЛЕ

Уруш баргъан ачы кюнле.
От-джалынды тегерек.
Халкъ излейди сабийлени
Къутхарыргъа теркирек.

Къутхарыргъа излейдиле
Къанлы, ачы душмандан—
Бир джаш солдат от ачханды
Ол душманнга бетджандан.

Къоруулайды сабийлени
Джуртну ол джурт улусу:
Юсде—джашил кийимлери,
Бёркде—къызыл джулдузу.

Къоруулайды сабийлени,
Къолдан сауут ийгинчи—
Къоруулайды, бетджанына
Бомба келиб тийгинчи...

Андан бери кёб джыл озуб,
Хорламлы джурт чагъады,
Сабийлени ауазлары
Джарыкъ-джарыкъ чыгъады.

Къзауатны джаралары
Къалыб кетген дуппурда—
Ол бетджанда солдат джатхан,
Бомба тийген чунгурда—

Тамырланыб, бир сейирлик
Балий терек ёсгенди,
Бутакъларын, булчукъларын
Тёрт джанына кергенди.

Ёлген солдатны кийимича,
Джаб-джашилди ол терек,
Ёлген солдатны джулдузуча,
Къыб-къызылды хар кёгет.

ДЖАШЛЫКЪ

Джаз, джангырыб, кёгериб.
Къышны ызындан атлайды—
Заман чархы тёнгереп,
Джылны джылгъа къатлайды.

Терек болуб чыбыкъчыкъ,
Бишедиле балийле—
Ызыбыздан, „атдя“ деб,
Чабадыла сабийле.

Да, джёнгерле, алайды,
Къартаябыз акъыртын:
Заман ишин этеди,
Ол къоймайды бу шартын.

Заман ишин этеди,
Туралмайды бир чекде,
Ёзге джашлыкъ кетмейди,
Ол джашайды джюрекде.

Ол джашайды къартаймай,
Джарыкъ джанган джулдузлай,
Табигъатха тин берген,
Суююм тёкген кёк джазлай.

Ол джашайды солдатны
Къабырыида гюллеча,
Шейит болган джигитге
Халкъым айтхан сёзлеча.

Ол джашайды нюзюрге
Субай, омакъ назчыкълай,
Джаш биринчи таралган
Къызылууурт къызчыкълай.

Къартаймайын джашайды
Ол биз этген хар иште,
Биз тёлуге къоярыкъ
Хапарлада, кенгешде.

Да, джёнгерле, алайды,
Бишедиле балийле—
Ызыбыздан, „атдя“ деб,
Чабадыла сабийле.

Заман ишин этеди,
Бир чакъ бирни кючлейди...
Хата джокъду, кючлесич:
Заман бизге ишлейди.

Биз салабыз, саллыкъбыз
Энчи энле хар кюннге,
Сокъмагъыбыз хазырды
Ызыбыздан келгеннге.

Тёлюдеги джашлыкъ да
Сокъмакъ кёшар сакъмакъгъа—
Къартлыкъ джокъду дуняны
Джангыртыучу джашлыкъгъа!

ШОХЛУКЪ

(Баллада)

Тау артына ётмез ючюн фашистле,
Тау ауушну сакълайдыла джигитле.

Сакълайдыла бир иннетге берилиб,
Имбашлары бир-бирине тирелиб.

Тюрлю-тюрлю болгъанлыкъгъа шинлери,
Бирди аланы бирикдирген тиллери.

Джокъду мында кыйырчы, не органчы:
Кёзюу-кёзюу джылытады бир джамчы,

Душман таба бурубдула алларыи,
Бир суулукъдан ичедиле сууларыи.

Къолдан къолгъа бериледи бир ётмек...
Ата джуртну бирча суююб хар джюрек,

Бир бетджанда турадыла — бир тёрде,
Ёлгенлени асырайла бир джерде...

Кийимлени, къаяланы кызарта,
Джараладан кызыл-ала къан саркъа,

Саулай бетджан, ушаб къалыб байракъгъа
Сюеледи шагъат болуб шохлукъгъа.

...Ол урушда сау къалады экеулен —
Хорлам алгъан джигитледен эки тенг.

Бир солдатны сауду саны-сюеги,
Бирини уа джаралыды билеги:

Тенгин сакълаб урдургъанды ол аны,
Ахыр огъу тийген эди душманны...

Ол саны сау, сыртына алыб нёгерин,
Анга бериб юсюндеги шинелин,

Къарны джырыб, эниш сюрем атлайды,
Боран, уруб, бауурундан къаблайды.

Къалмайыкъ деб бу сууукъда гирешиб,
Ол дагъыда тырнакълайды, кюрешиб.

Ма, барады, сокъмакъ къся артында,
Нёгери уа ойсурабды сыртында.

Барады ол, ачы боран къобса да,
Бир аягъы юшюб тоблукъ болса да.

Сора, келиб бир элчикге киргенлей,
Джыгъылады нёгери бла биргелей.

Озуб баргъан биреу, кёрюб аланы,
Къатларында тохтатады чананы.

„Сау эселе, бир болушлукъ этейим,
Терк огъуна лазаретге элтейим“,—

Деб салады экисин да чанагъа,
Сыбыртхыны джетдиреди атлагъа ..

Джашайдыла бюгюн ол экеулен—
Эки тюрлю шох миллетден эки тенг.

Биз таныйбыз экисин да тенглени—
Барды аланы биз танырча энлери:

Бири тауда ёсдюреди юйдеги,
Белгилиди—барды джангыз билеги.

Экинчи уа—Волгоград шахарда
Айтылады туудукълагъа хапарда.

Бир аягъы джокъду аны, сакъатды,
Ёзге энтда бек тириди, солдатды...

Биз таныйбыз экисин да тенглени—
Барды аланы биз танырча энлери:

Бири къолун берген эсе тенг ючюн,
Ол бири да бугун берди тенг ючюн—

Бергендиле тенглик ючюн, халкъ ючюн,
Тас этмейин турур ючюн Джурт кючюн,

Болур ючюн ол къоллу эм аякълы,
Болур ючюн шохлукълу эм байракълы!

АККАНЫ ХУРМЕТИ

Сабийлени асыры бек суйгенден,
Алгыш айтыб, эркелетиб къучакълаб,
Джубрай акка эте эди хар неден
Алагъа деб гоккачыкъла, мынчакъла.

Акка ёлдю, ёзге аны огъуру
Джашарыкъды сабийлени тансыкълаб:
Къош орнунда ёсгенди да бир дугъум,
Къучакъ джайыб узатханды бутакъла.

Хар джаз сайын ол акканы атындан
Сабийлеге чагъыучанды, ийнакълаб;
Къачхыда да, таймай къартны шартындан,
Кёгетлерин бериученди, мынчакълаб.

ДЖЕРНИ, КЁКНЮ АТЫ БЛА ДА

Сабийлигим ётген эди
Эштмей къобуз тартыуну,
Билмей эдим ол заманда
Мен шоколад татыуну.

Джыр орнуна эште эдик
Сызгыргъанын окъланы,
Конфетлеча кёре эдик
Тамырларын мантланы.

Аталаны сакълай эдик,
Къаты кысыб беллени,
Сезмей эдик башхалыгъын
Кечеле бла кюнлени.

Ол заманым эсге тюше,
Кире уллу сагъышха,
Къаргъышымы айтама мен
Зорлукъ, терслик урушха!

Энди бизни сабийлеге
Конфет да бар, джыр да бар,
Бетлеринде, тюрсюнледе
Къууанч да бар, нюр да бар.

Бюгюн была кермейдиле
Окъну къанлы ызларын,
Джазыулары табдырады
Ётмеклерин-тузларын.

Ата-ана джылыудады
Ёсгенлери аланы,
Сейирсиниб тынгылайла,
Сагъынсанг да мантланы...

Туудукъла уа чыгъарла деб
Андан да уллу джарыкыгъа,
Алгышымы айтама мен
Мамырлыкыгъа, тынчлыкыгъа!

Джыр да, кюн да табдыргъанла
Сабийлеге, ма бизге,
Джерни, кёкню аты бла да
Минг бюсюреу ма сизге!

КЪЫЗЫЛ-АЛА ТЁГЮЛЮБ...

Гокка хансла, бир тюзге
Къызыл-ала тёгюлюб,
Ойнайдыла аязда,
Сабийлеча кёрюнюб.
Му бу джарыкъ талада
Бир терек да битеди,
Башы, ийилиб, тюбюнде
Тёбечикге джетеди:
Аязчыкъда булчугъу
Мамыр джырын джырлайды,
Тёбечикни юсчюгюн
Джылы къолча сылайды...
Бу затлагъа къарасам,
Кириб терен сагъышха,
Эсим кетиб былайда
Алгъын баргъан урушха,
Кёрюнелле кёзюме
Ма бу тюзде ёлгенле —
Къызыл-ала къан тёге,
Джурт ючюн джан бергенле.

Башы ийилген терек да
Кёрюнеди анача,—
Ол джашыны юсюне
Бауурланыб тургъанча...
Чакъгъан болур бу тюзде
Джигитлени къанлары,
Кёчген болур терекге
Аналаны халлары.

КЮН БЛА ДЖУЛДУЗ

(Б а л л а д а)

Гитче джашчыкъ бешигинде
Тынч джатады,
Эки кёолун кюн таякъгъа
Узатады,

Анга узалыб джеталсам деб
Кюрешеди,
Кёгюрчюнча, мур-мур эте
Сёлешеди.

Кюн таякъ да бу оюнну
Джаратады:
Терезеден кириб келиб,
Джарытады.

Джарытады ата бёркде
Къызылны да—
Беш мюйюшлю, беш къанатлы
Джулдузну да.

Ол джулдуз да, джан киргенча,
Ышарады,
Кюн таякъны бешик таба
Къайтарады.

Джашчыкъ тамам зауукълуду,
Къууанады:
Эки Кюнню жарыгъында
Джылынады.

Бир Кюн анга ата бёркден
Нюр тегеди,
Бир Кюню да чууакъ кёкде
Кёрюнеди...

Эки Кюнню тюблеринде
Ёте заман,
Ол болумда, ол джылыуда
Ёсдю улан.

Ёзге бизни Джуртубузгъа
Душман чабды,
Чууакъ кёкде Кюнню тютюн,
Джалын джабды.

Кьолгъа сауут алыб, улан
Уруш этди,
Джуртну сыйын мийик тутуб,
Алгъа элтди.

Атасыны юлгюсю бла
Сермешди ол,
Кеси ёлсе да, душманлагъа
Бермеди джол.

Ёле туруб, къарады да
Ол кёгюне,
Кёгю, джарыб, къууанч берди
Джюрегине:

Солдатны джаны, джарыкъ теге,
Кёкге къонду,
Джюреги да кызыл джаннган
Джулдуз болду...

* * *

Бюгюн да бир улан ёседи,
Толуб нюрден:
Джылыу, кюч да алады ол
Эки Кюнден.

Ма, бир Кюню нюр тегеди
Чууакъ кёкден,
Экинчи да джылтырайды
Эсгертмеден.

Б А Ш Л А Р Ы

Маяковский бла сѣлешину (поэма)	5
Джашауну ызы	30
Акъ бояу	31
Кючлю кьолла, джылы кьолла	32
Джолну чырагы	32
Джолла	34
Чагъадыла балийле	35
Джашлыкъ	36
Шохлукъ (баллада)	38
Акканы хурмети	42
Джерни, кѣкню аты бла да	42
Къызыл-ала тѣгюлюб	44
Кюн бла Джулдуз (баллада)	45

Джаубаев Хусей Мухаджирович

ЦВЕТУТ ВИШНИ

Стихи

на карачаевском языке

Редактор **А. Кубанов.** Художник **П. Узденов.**

Художественный редактор **М. Бертник**

Технический редактор **М. Перепада**

Корректор **К. Салпагарова**

Сдано в набор 3-ХІІ-1974 г. Подп. в печ. 21-І-1975 г.

Формат 60 x 90¹/₃₂. Физ. п. л. 1,5. Уч. изд. л. 1,6.

Тираж 2100 экз. Заказ № 5637. Цена 17 к. ВУ 31529.

Карачаево-Черкесское отделение,
Ставропольского книжного издательства,
Черкесск, пл. Кирова, Дом печати.
Карачаево-Черкесская областная типография,
Черкесск, ул. Первомайская. 47.

